

序文

張掖在河西為大郡舊志載漢時以張掖名者謂斷匈奴之右臂張中國之掖其關係大矣然晉隋李世美胡迭據唐陷吐蕃宋沒西夏迨元建省明設巡撫而邊防鞏固清雍正三年始改設郡縣自此寰宇澄清者百年昔甘肅有鎮志及府志而縣志則未之前聞乃府志自乾隆迄今垂二百餘年而未續修張掖素號名區縣志亟為重要民十年元泰膺第三屆省議員任又承乏玉門縣事身雖宦遊在外而修志之舉久耿耿於胸也越甲子歲辰代而歸與二三學友樽酒論文言念縣志闕如時深治歎既而王君九卿李君甫友起而首倡同籌畫鉅資派人四出採訪即敦請吾師白張掖縣志

寶廷先生主筆先生以桑梓文獻義不數辭爰自春而夏而秋手不停披口不絕吟關心於父母之邦熟悉於鄉黨之故幾經寒暑不憚勞瘁採列本邑山川疆域關隘區界之要擇其風俗人物民情物土之大劃然為一縣之乘不淆於左鄰不混於右封冗者汰之簡者詳之而遺於舊作湮於寂闕者又拾之補之不敢浮夸附會涉於子虛蓋其謹嚴也如是原吾師括以六門去其舊也而又條分縷析繫以細目數十門防其漏也以期條理井然早日完成不料規模草創志未脫藁而先生遽歸道山矣元以地方文獻攸關誠恐半途而廢前功盡棄遂將採訪冊收存每想補編成功祇以其中波折數生以致遲遲未能成編延於至今茲值春和地方

安靖努力補編與同人等研究惟望能順利完成是吾所願也倘
後有高明者另編成篇元將此以彙編作爲參考不敢付印貽
人笑柄也況桑田滄海古今一頃與耳曾幾何時而日月重光山
川改色風雲爲之變態矣我張校一區區邊邑山川無恙疆界無
恙風俗人情雖小異而仍大同也將來社會更新世界和平當更
有光於斯乘也是書之成記一縣本末而已比於府志範圍稍狹
然紀載翔實亦可作後之從事於斯者之借鑑己是爲序

邑人余炳元自序

新修張掖縣志

張掖縣志

并言

天下事難於創而易於因創者古無而今有也因者古人已爲之
後人賡續而進行也趙甌北所謂無可因而特創者難爲功有所
本而求精者易爲力凡事皆然修志者自不能例外張掖舊無縣
志不得不另起爐竈事屬創辦諸多難況自漢唐經營西北張
掖又爲用武之區數千年來事之重大者雖散見於他書然竟無
縣志以專載之未免爲縣人羞此余善卿縣長提倡修志竭心力
而爲之者也我亦暇則協助但以地處邊遠奈考無書除實地從
事採訪外幸我白寶廷先生博學多聞爲吾縣魯殿靈光既肩任
總纂乃大展所抱旁搜博採經籍史籍條分縷晰熟費匠心雖數

易寒暑而終纂成新縣志稿拾貳卷我認爲體例明手筆高清晰
簡練無美不備允可信今而傳後焉雖未即時刊而問世然亦足
以千秋矣嘗考西北郡邑之志贈災於世人之口者不啻充棟而
文簡事數訓詞爾雅無如康對山志武功此外如呂澤野志高陵
韓五泉志朝邑胡可泉志秦安趙浚谷志平涼孫立字志富平張
孝先志華州雖皆稱爲佳構然猶有黃圖決錄之遺焉故陳榕門
獨稱武功志所紀載悉關國際民生人心風俗確乎可傳而寶廷
先生倣史記筆法纂成張掖縣志纂其所紀載無不與國計民生
人情風俗息息相關其價值雖不敢與武功志並肩媲美當可與
高陵秦安富平平涼等志等量而齊觀矣

張掖縣志

邑人張聲威

明清兩代修志之經過

初修志書者

陝西行都司志十二卷 明人包節著見明史藝文志

秦人胡可泉評云觀康太史志武功重太史志沔陽史體猶存
可倣也謂猶有三輔黃圖之遺意焉

甘州衛志十卷 郭紳著

郭紳江西宜春人明弘治中任甘肅行太僕寺卿廉幹有文詞
纂甘州衛志

甘州紀變一卷 曹子登著

縣城南門側有三官廟傍壁明大中丞如川曹公遺愛碑係萬
歷十六年十一月邑教仕彭縣教諭八十歲老人何景陽撰內
稱曹公燕人乙酉撫甘大振士馬擒戮西竄虜酋民免殘辱修
濬河道淤塞高台開地數百里清刑獄導行戶新學宮而文教
興繼絕世而武弁振耀撫保定鎮民乞留因建廟立石云甘鎮
志曹子登三河籍長洲人曾著甘州紀變一卷

甘鎮志 清順治十四年分赴通揚春或編

自序云逆回米喇印亂後公署冊籍悉被焚燒野叟田夫慘遭
殺戮今都御史佟公督修志書謹撫遺於殘碑斷石訪陳迹於
廢址荒邱其闕蹟駁牴牾偽糾挂漏愆亦多端矣其書謹紀至
張掖縣志

明萬歷中年止餘悞未詳然今之可傳者猶賴此本焉

甘州府志 乾隆三十年後甘泉書院山長莊學和輯

先是王學潛 陝西商州人乾隆十八年選授甘州府學教授莊

任後以甘鎮志遺漏殊多創修郡志而出筆遲滯二十八年俸

滿引見仍回原任三十三年所修志書終未脫藁後數年莊學

和始告成功

莊學和 江蘇武進縣人乾隆乙丑進士輯甘州志四十韻其詩云漢代居延分內外

漢有居延縣屬匈奴也將張掖判西東 漢武分武威郡統縣十內有張掖縣身分張掖郡

南居延海詳藝文汪汪弱水千支繞 漢水自山丹逕甘州北奕奕祁山半壁雄 按焉

居延屬國亦為二 合於黑水入疏沙皆是泉味名甘紺峻異 甘州以泉名將水經刪形

象字閭巴同

丹碧相間如刪字此閭字山回合巴字水三疊今以有筆號山

每稱遮虜誇陵勇

終傳德亦自述虜傳且賊守邊

或戰處今皆指為亭少卿笑

凡遇牧羊詔武忠

牧羊處甚多在甘邊或在晉徽皆指為子卿者

十縣舊城多彷彿

多半無考或云俱在口隘外

千金新蹟更朦朧

千金渠最古閩土人無知者統入撫臺各渠內

北涼遼疊今

多室西域裝圖昔少通曹處沙陀杰勁猛幸按元振化淳龐義漸

去後誰誰保懷建來時境已空偏讀紀竹傳晉錄徒聞降撫說遼

功廂區十二占羊竹

元昊以卜數者

學置三千集鳳桐

事王仁

祇有黑河遺石

碣從無青管載書筒四夷守矢外夷外一統勦成中統中

元世祖年號

兩

路福星推按帥

按三通

百年農課賴劉公

劉恩

分茅早昨函王國薦

宅還修吉后宮

別處有廟祀

宰相羅朝驅脫脫

元初將居於此

將軍專閩震馮馮

用亦大橋小橋也取甘州者

金牌御璽茶規肅王節卿班馬政崇五衛乍登龍首穀

張掖縣志

九江旋領虎符銅選番請廩洪獅豹近侍持籌辦楊誠何事時囉

弛小寇遂須雙鑲仗宗工築關築堡無虛日攻地攻心有素風楊

石奏章誠汲汲

楊公傳

馬林孤旅太郊郊

馬德長城

久封紫塞如填漏

突騁黃巾似掃蓬半夜憑陵水戢坎全壠槍擐火雲烘男兒執銳

心堅石婦女知方氣貫虹鉅任鳩鵲終毀室要知鷓鴣雀只毆叢成

湯秉鉞誅三孽我武麾旌定一戎帝賁樞臣宗亞聖

慈聖公

人呼靖

逆熠鬻童

將軍張果壯公勇

九詔共舞虞階歌八陣還憑渭水熊隴右慈霞

輝碧嶂朝端麗日燦彤弓賢賢握節貽涇渭聖聖承庥祝華嵩平

寄平裴除逆獵蠲糧蠲草恤噉鴻漫防戊己雲屯集直奠庚辛雪

嶺窮輸貢羗衣編黑白嗥經僧帽易黃紅南商通鬻和闐璞西驛

羣騎大宛總二萬餘里增式廓億千春後頌懷洪燥姚勒碩斯
為範宣慰耕疇豈算隆奮武休誇班定遠發文那數寶安豐當
年戰守疲中國此際清寧感上窮禹德開天波滾滾郵膏履地
黍茫茫自來仁義民歸市得失奚容問塞翁
提倡修張掖新志者

馬羲瑞肇易邑貢生銓定縣教諭博學能文有聲於時嘗謂
漢武置張掖郡以縣得為治所三國時曹魏改縣得為永平歷
晉宋元魏北周皆因之隋仍改復張掖沿至於今事多失傳皆
同高謫田敏王迪簡段為藻夏擊龍等似修張掖縣志未成而
罷乃製天山雪傳奇以紀明末甘州失陷事

張掖縣志

沈亮工江南松江人素研究方志之學雍正初甘山道胡公悉窺
辟為書記遊河西時罷陝西行都司置甘州府以甘州衛左右
二衛置張掖縣以故山丹衛置山丹縣併高台所鎮夷所置高
台縣並隸之七縣割高台隸肅州初以肅州為直隸州政局變
遷舊志無用亮工與鳳翔王仙擬撰張掖新志藁未半而胡公
移他任隨之去

李含菁四川巴州進士知張掖縣事著張掖縣鄉土志分歷史政
績兵事編為四言韻語俾讀者易於上口

白冊候癸巳恩科舉人銓授秦州學正清末解組歸田以府志創
修於乾隆歷百數十年闕佚頗多遭逢鼎革桑海變遷城郭猶

是耶而疆域中東樂分為縣矣人民猶是耶而衙署中之以知府稱者不惟無其名而規模亦變矣學校新設貢院書院之在甘州者鞠為茂草矣城內之舊水渠已成平地矣邑中老舉人寥若晨星矣凡茲改變誰為記載今而不言事恐遺失慨然以修志自任開戶著書屢經寒暑書未成而又奉頒新志體例但所修張掖縣志悉遵前清舊式未及更正而白寶廷遽歸道山此藁實事幸余君善卿保存無失

余炳元由懷慶生入甘州府中學畢業選舉第三屆省議員署玉門縣知事瓜代而歸優游林泉嘗謂邑之有志猶國之有風也張掖在元而為省會在明而為重鎮遙遙數百年中舉凡民俗

張掖縣志

政教以及山川人物僅見甘鎮志及府志說各互有詳畧且時過境選舉目滄桑守土之官屑越散佚板籍無一存者堂皇鉅鎮豈宜廢缺若此因與同人網羅散佚咨詢古今公推白寶廷先生為總編以作修志基礎然志未成白君壽終道山矣此志功虧一簣半途而廢深為可惜幸余君善卿以六十高年日勤筆硯繼續補編孰知甫將脫藁披反動駐軍檢閱因為未叙頒駐防功勳忌之特強為難逼劉鉅款幸蒙上聞省府庇蔭遂派余視察仲篋查明駐軍換防罰款通電打消得免冤抑當時又奉省府訓諭內開有該紳嚴守正義不趨炎不附勢不逢迎斯志價值將來告成與古之董狐直筆同感佳話云等語惟余君

雖以此志屢經波折始終志堅未退力總其事邑都人士贈有
風道董松匾額後有跋詳見文選

裴建準渭源人民十七年任甘鎮使嘗與士大夫遊考徵文獻亦
知甘州自明以來僅有行都司志甘鎮志清乾隆後甘州知府
鍾公廣起始編輯郡志張掖事稍得傳於世矣自乾隆至今縣
志之修亦有人提議而終未脫蕪事多遺闕今耳目尚相及史
有所憑依再不言後將誰述當時余善卿及諸紳悉贊成之惟
張掖舊書散佚參考無資乃善卿寄白寶廷初編蕪及採訪冊
並余善卿補編篇於建準處延請慕公少棠照新體例修改四
更寒暑始克成編悉閱此藁惟慕先生考古徵今固稱博雅閑
張掖縣志

文過多有闕于本縣重要實事又大半刪除未列似乎雜纂併
湊不是張掖一縣之志余君善卿又查照舊藁新編補充以作
地方將來參考所有無關於張掖文字全刪殆盡矣

新修張掖縣志

凡例

一是編摯國邊防促進文化勞動生產實寫社會狀況為宗旨一
切鋪張粉飾之辭概不錄

一山在本境而今併入他縣水發源於鄰省某山自某地入張掖
境某地出境均於山川圖輿備考中述之

一地理沿革以縣為本位而附以故甘州府而歷代沿革表兩相

比較庶可以知其全局與前此經過情形

一縣志可不紀分野而張掖實元明兩朝省會重鎮漢張掖郡疆域直管至今之永昌縣誠沿隸區或故以分野居其首

一古蹟分為三類以建置中之具有歷史性而年代稍久者為上
徒留遺址供入憑吊者次之載籍所傳今無其處者又次之
一道路橋樑為當今之要政而汽車路直達新設尤為當務之急
宜隨時修理以便交通

一廟宇為人民活動力所表現之一端不獨詳其建置時代重修
姓名及位置產業而已即宗教中有清淨道侶若干人皆所當
紀

張掖縣志

一縣為河西膏腴之地河渠灌田弥望皆良壤繪五十四渠總分
圖表列於本縣地圖之次其水利沿革另列表以區別之
一氏族一事為文化升降之所由係而千百社會所以構成統在
於此在地方文獻中最關重要

一信教自由唐以後如景教回教喇嘛基督教天主教紛至踏來盤
據城鄉民衆腦中各有歷史各佔勢力宜分別而詳紀之

一舊志詳於政治而畧於民俗茲編仿兩漢風俗志南北朝風俗
志及宮室史服制史之類另列專篇亦斷代為史之一法

一民俗宜列專篇所有家庭之組織職業之選擇信仰之類別以
及起居飲食服御娛樂藝術等習慣皆在紀述之範圍

一言語為應對的要素在現時期其無普遍性者尤宜更正以適合於交際

一財政為萬事之母上關國課下裕民生其關係非常重要故另列專篇詳細調查和盤托出後之留心民事者其亦知所鏡乎

一前代書院之制遠勝有司所建政書院為學校此為時代風氣變遷之一關鍵宜詳舉而備列之

一國之大事惟祀與戎張掖自古為用武之地大事紀所錄戎事居十之七

一教會向附於寺觀之末他志或並此而無之此編則列諸外交所有演教歷史教徒多寡及其所經營之教育慈善等均宜詳

張掖縣志

實登記

一春秋書災不言祥張掖自漢迄今地震居多舊志列諸史紀今另編變異志以書之

一縣邑文獻中以田賦一門為最繁雜應考檔案詳細記載蓋民生利病大半繫於此若畧其宜詳則大誤矣

一西北婦女以節操為重因仿列女傳之例附於人物之後

一選舉分三類兩漢六朝為鄉舉里選時代唐宋明清為開科取士時代民國則有選舉人民代表之權

一官吏賢否大事紀則秉筆直書名宦傳則感懷往事各有體裁不宜牽混

一志中所載人物畧仿國史之例但國史善惡並書志則有美無刺且生人不能立傳以尚未蓋棺故也

一舊志鄉賢所列諸公此編則散見各門而於鄉賢祠正文下仍備載銜名以存原來面目

一金石證史之功勝於書籍張掖屢經兵劫宋以前之金石摧毀無遺此編則錄現在所共見者

一歷代碑記及官署案牘地方紀事之詩皆可為史料附於志後名曰文存

一凡鬼神事渺茫荒惑無可准明者所不道又府志事紀上所載張掖郡督郵傳曜見夢於呂光之類皆列入神異恐惑民也

張掖縣志

一修新志與舊志不同舊志在縷述陳蹟新志則兼備實用須注重生產建設一方面與社會之實在情形

新修張掖縣志總目

茫茫禹跡畫為九州古者疆理天下必相土宜所以通德而類神也故地理宜首經界既正民居攸奠民以食為天耕鑿相安皞皞如也田賦次之桑稷馨香感於神明然古人先成民而後致力於神如得一賢宰若子賤治單父子路善治蒲斯不至慢神而虐民民為貴社稷次之祠祀官師又次之祠祀以崇正教官師以化斯民正教崇教化興夫然後禮義以行廉耻以顯人文以起武備以修風俗以醇人心以正都鄙乎文明之邦不稱威於海內者吾不信也學校農商又次之如是而已乎故君子化民成俗其必由學易曰觀乎人文以化成天下則近世流品雖雜而近乎純正矣終張掖縣志

以雜記其目

地理志

畧度

堯典云歷象於日月星辰敬授人時是天文之有關於人事也大矣畧度之長短三代以前如何推測不可考矣周禮以土圭之法測土深正以求地勢謂於冬夏至日中立八尺之表以候日影以土圭量之而測其影之長短可辨東西風寒之所在夏至長尺五寸冬至長一丈三尺漢書藝文志有日畧書三十四卷明鞏昌兵備道邢雲路於蘭州立六丈之表測戊申立春時刻與郭守敬消一之歷符合皆恐不真確現正科學發明之際

俟機展展研究明確時再行補記

位置

國體保章氏以星土辨九州分野歷來志乘均採用分野然一縣用分野定位置頗覺渺茫按天文界井輿鬼屬張掖而屬鄰封亦無不可總不若經緯線為確準茲依甘肅陸地測量局所測定張掖經緯度分列如左

經度 為東經一〇〇度一五分

距縣有城約三度

緯度 為北緯三八度五二分三〇秒

距縣有城約三度一五分

按所列經緯度係以北平觀象臺為標準周子午儀觀測者若肆以無線電測量航空測量尤恐有差誤

張掖縣志

氣象

清宮文獻館所藏之晴雨錄起雍正二年至光緒二十九年止中無間斷其所紀錄可資裁夫氣象測候關係農業水利航空航海及軍事衛生諸大端至為密切歐美各國咸費鉅資全國遍設吾國自民十七年中興政府奠都南京後國立中央研究院亦於是年成立氣象研究所於北極閣盡力提倡竭誠督導東南沿海各省設立測候所者因之日益加多而三隴之有氣象測候廼肇始二十一年二月於君允明首任所長在蘭州創設省立氣象測候所數年來慘淡經營力圖普及以開風氣而知天時洎二十五年秋朱所長毅第一期氣象訓練班計期保送王君篤秀入班受訓

期滿奉省府令委為觀測員回縣籌設張掖氣象測候所勘定縣城東南隅民勤會館為所址二十六年元月正式成立四月中旬開始觀測嗣以特殊情形遂作旋輟其所存紀錄雖經數月亦可畧見惟沙漠中之氣候變化難定不過聊供方志學者參考云爾

疆域序

張掖開自漢武西通西域北包居延塞疆理蓋寥闊矣東漢以後或領十縣晉割於涼隋益福祿唐復汰之牙於回鶻宋淪於夏元設中書省明設五衛有行都司總兵巡撫以轄之清初設分巡道鎮以提督重兵雍正年間始有甘州府之名此歷代沿革之大畧也民國初興裁汰府職今專稽一縣之疆域但舊府志自太守唐張掖縣志

起乾隆四十四年纂迄今又歷百餘年矣山川疆域歷歷在目分列於左

疆域形勝

張國臂掖以通西域隔絕匈奴南羌斷匈奴右臂張掖屬國精兵萬騎斷絕河津足以自守出漢書地勢西北袤出在南山之間隔絕西羌西域出晉書張掖河西咽喉地陳子昂傳斷匈奴之臂張中國之掖土壤肥美耕牧為宜出大明一統志環以祁連合黎之山浸以居延鮮卑之水控制羌胡用武之地出雍州志今日縣志東以架平墩為界五十里西以沙河賈家莊為界五十里南以苗家營為界九十里北以轉嘴為界一百里東南至新溝上石崗墩為界六十里西南西南至

梨園口河為界九十里東北至觀音山為界五十里西北至撫桑所營高崖墩為界五十里犬牙錯錯而犀角攸分焉

張掖縣沿革

漢武帝開置張掖郡治縣得縣晉仍曰張掖郡治永平隆安中北涼沮渠蒙遜都此西魏置甘州固仍置張掖郡隋初郡廢改酒泉縣大業二年復置張掖郡治張掖縣唐仍改為張掖郡又改甘州尋陷於吐蕃宋為西夏所據元置甘州為行省治明改置甘州衛隸陝西行都司清雍正三年治張掖縣隸甘州府

疆域

漢張掖郡東界番禾顯美驪罕之區北攝居延之塞疆域所及蓋張掖縣志

遠濶已東漢以來漸以分割故所領縣僅存其三薦更三涼郡邑駢夥增置雖多非有式廓之實也隋益福祿唐復汰之洎於元明領地尤廣張掖治黑水之濱東至民樂西至沙河南至祁連黑番界北至合黎山北部界東南至大黃山西南至紅崖堡東北至轉嘴北部界縱一百四十里橫一百四十里

東南至蘭省一千一百五十里東北至京師五千八百里

鎮志五千四百里

領地附郭曰張掖縣

張掖縣四至詳說

東以架平五十里界民樂西以沙河賈家莊五十里界臨澤南以苗家營與民樂分界九十里北以轉嘴與蒙古分界一百里東南

至上石崗墩六十里界民樂東北至觀音山五十里界民樂西南至梨園口河九十里界臨澤西北至高崖墩五十里界臨澤張掖一邑亦河西一大都會也

張掖縣志

[illegible]

表華器

[illegible]